

20. april 2017

UPA 2017/1

## **Ataatsimiinnerup ammarneqarnera**

(Inatsisartut Siulittaasuat)

Inatsisartut 2017-imi upernaakkut ataatsimiinnerat maanna ammarneqarpoq.

Nuannaarutigeqaara ullumikkut Inatsisartunut ilaasortaqaatika upernaakkut ataatsimiinnissatsinnut matumunnga maanga ataatsimiittarfitsinnut ullumi tikilluaqqusinnaagakkit. Oqaluuserisassat pingaarutillit oqaluuserisussaavagut, neriutigaaralu suleqatigiilluarnitsigut angusaqarfiulluarmik oqaluuseriumaarivut.

Naalackersuisut inatsisiliortullu pitsaasumik inerititaqarfiusumillu suleqatigiinnissaannik kissaateqarlunga taamatutaaq Naalackersuisunut ilaasortat soorunami aamma qamanga pisumik tikilluaqquakka.

Inatsisartut Ombudsmandiat ajoraluartumik ammaanermut peqataasinnaangilaq, nuannaarutigaarali Naalagaaffiup Sinniisaa tikilluaqqusinnaagakku.

Taamatutaaq tusagassiortut ataatsimiinnermik malinnaasut, minnerunngitsumillu inuttaasut tusarnaartut tikilluaqquakka.

Nunatsinni isorartuumi inuttaasut, ajoraluartumik ataatsimiinnitsinnik taamaallaat TV-kkut inatsisartullu nittartagaatigut malinnaasinnaasut, aamma tikilluaqqorusuppakka. Ataatsimiittarfitsinni matumani isumaqatigiinniarnit nunatsinni inuttaasunut radiukkut aallakaatinneqaqqittalernissaat Siulittaasoqarfiup sulissutigaa. Neriuppunga apeqqut tamanna ulluni aggersuni qaninnermi erseqqinnerusumik paasisaqarfigiumaaripput.

Ilisimatitsissutigisinnaavara Inatsisartunut Naalackersuisunullu ilaasortat tamarluinnangajammik ataatsimiinnerup ammarneqarnerani najuummata.

Inatsisartuni timitalimmik suleqatigiinneq tamatta kissaatigisarput nammineq takkunnaviangilaq, aatsaalli timitalerneqarsinnaalluni ataqqeqatigiilluta oqaloqatigiinnitsigut immitsinnullu tusarnaarluta isummatta ammasumik naapisinniartarnerisigut nunatsinnut tamarmut inunnullu tamanut maani najugaqartunut iluaqutaasumik.

Kommuninut qinersineq naammasseqqammerpoq Inatsisartunullu ilaasortat 16-it kommuninut qinigaasimasut pilluaqquakka. Tamatumunnga atatillugu oqaatigiinnassavara Inatsisartunut ilaasortat saniatigut kommunalbestyrelsinut ilaasortaasut ataatsikkut kommunalbestyrelsinut ataatsimiigiarsinnaassanngimmata, taamaattoqaraluarpammi Inatsisartut aalajangiisinnaassuseerutissammata.

Taamatut oqaaseqarlunga 2017-imi Inatsisartunut upernaakkut ataatsimiinnerannut tamassi qamanga pisumik tikilluaqqoqqippassi. Neriuppunga ataatsimiinnivut pitsaasumik inerititaqarfiusumillu ingerlakkumaarivut, ataatsimiinnermilu anguniakkavut angujumaarivut.

Oqaluuserisassani immikkoortumut tullermut ingerlaqqitsinnata kissaatigissavara minuttimi ataatsimi nipangersimassasugut, Inatsisartunut ilaasortaasimasut Mads Peter Grønvold ulloq 24. marts qimaguttoq aamma Inatsisartunut Naalakkersuisunullu ilaasortaasimasoq Henriette Rasmussen ulloq 3. marts qimaguttoq eqqaaniarlugit. Ataqqinartumik eqqaaneqartarilik.

Minutti ataaseq nipangersimaneq.....

Taamatut oqaaseqareerama oqaluuserisassani immikkoortup tullianut ingerlaqqissinnaavugut.